

**Ն. Ս. Օ. Տ. Տ. ԳԱՐԵԳԻՆ Բ. ԱՄԵՆԱՅՆ ՀԱՅՈՑ ԿԱԹՈՂԻԿՈՍԻ  
ԽՈՍՔԸ ԳԱՆՁԱՍԱՐԻ ՍՈՒՐԲ ՀՈՎՀԱՆՆԵՍ ԵԿԵՂԵՑՈՒՄ**

(Գանձասար, 13 ապրիլի, 2016 թ.)

*Մեծարգո՝ նախագահ Լեոնային Ղարաբաղի Հանրապետության,  
Սիրելի՛ Հավատավոր զավակներ Մեր,*

Մայր Աթոռ Սուրբ Էջմիածնի լույսն ու օրհնությունը, Հայրապետական Մեր սերն ու աղոթքը, աշխարհասփյուռ ձեր եղբայրների եւ քույրերի զորակցությունն ենք բերում ձեզ: Այսօր Մեր սիրելի հոգեւոր եղբոր՝ Մեծի Տանն Կիլիկոն Կաթողիկոս Արամ Ա.-ի հետ եկել ենք նվիրական այս եկեղեցու կամարների ներքո ձեզ հետ միասին աղոթք բարձրացնելու Արցախ աշխարհի խաղաղ կյանքի համար: Եկել ենք աղոթելու մեր զինվորների անվտանգ եւ ապահով ծառայության համար: Եկել ենք զորակցություն բերելու Լեոնային Ղարաբաղի Հանրապետության իշխանություններին, ողջ արցախահայ մեր ժողովրդին՝ Արցախի խաղաղ, լուսավոր կյանքը կերտելու իրենց ջանքերում: Եկել ենք՝ գոտեպնդելու Արցախի մեր ժողովրդին, գոտեպնդելով՝ նաեւ գոտեպնդելու արցախահայության անկոտրում կամքով եւ քաջարի ոգով մեր զինվորների: Փա՛ռք քեզ, արցախահայություն, փա՛ռք քեզ, Հայոց բանակ: Հպարտ ենք ձեզանով, ձեր սխրանքներով, ձեր խիզախ պահվածքով:

Գոհություն Աստծո՝ Հայոց բանակի արիասիրտ զինվորները հերոսաբար դիմակայեցին Ադրբեջանի սանձազերծած ռազմական գործողություններին, խափանեցին դարաբաղյան հարցը ռազմական ճանապարհով լուծելու նենգ ծրագիրը: Հակառակորդի մարտական զենքերը, որքան էլ ժամանակակից, անկարող եղան հաղթանակ ապահովելու: Ավետարանական պատումի նմանությամբ՝ թշնամու զորքերը հողմերի պես բախվեցին ազատության եւ անկախության ապառաժի վրա հաստատված Արցախին: Հակառակորդի դեմ ելավ անկախության սերունդը, ելավ՝ հավատքով խրոխտ պաշտպանելու իր հայրերի քաջագործությամբ կերտված ազատությունն Արցախի: Նրանց մեջ ոգին էր իրենց հայրերի, նրանց մեջ ոգին էր Ավարայրի եւ Սարգարապատի: Նրանք «կտրիճներ եղան պատերազմի մեջ, - ըստ առաքելական խոսքի, - եւ հաղթեցին...» (Եբր. ԺԱ.



Արդարություն եւ ճշմարտություն է Արցախի ազատությունը:  
Արդարություն եւ ազատություն է Արցախի հաղթանակը  
(Ն. Ս. Օ. Տ. Տ. Գարեգին Բ. Կաթողիկոս Ամենայն Հայոց)



Գանձասարի Սուրբ Զովհաննես Մկրտիչ եկեղեցի (ԺԳ. դար)



Փա՛ռք քեզ, արցախահայություն, փա՛ռք քեզ, Հայոց բանակ:  
Հպարտ ենք ձեզանով, ձեր սխրանքներով, ձեր խիզախ պահվածքով  
(Ն. Ս. Օ. Տ. Տ. Գարեգին Բ. Կաթողիկոս Ամենայն Հայոց)

34), քանզի «ամեն ոք, որ Աստծուց է ծնված, հաղթում է աշխարհին» (Ա. Հովհ. Ե. 4): Քաջաբար կանգնած ընդդեմ մահու՝ նրանցից ոմանք ընկան մարտերում: Արյան վկայությունը Մեր զավակների բարձրացավ դեպի Աստված: Եւ տեսավ Բարձրյալը, որ անմեղ է քաջերի արյունը, տեսավ, որ արդար է հայրենյաց մեր հերոս պաշտպանների գործը: Եւ իր գործությունը հեղեց արցախահայություն պայքարին: Հակառակորդը ետ չպրտվեց՝ թողնելով ավերված շինություններ, անմեղ զոհեր, այդ թվում՝ երեխա ու կանայք, սպանված ու վայրագորեն խոշտանգված ծերեր, անդամահատված հայ զինվորների մարմիններ: Այդ ոճրագործությունները աղբբեջանական կողմը հպարտությամբ ցուցադրում եւ տարածում էր համացանցով՝ ներկայացնելով որպես քաջագործություն՝ ցրելու վախն իր զինվորների, իր բնակչությանը պահելու ռազմատենչության եւ հայատյացության մեջ, փորձելով սքողել իր պարտության իրողությունը:

Արցախի սահմաններից հայրենասիրությունն ու ազգանվիրումը ալիքվեց եւ տարածվեց ու համախմբեց ի սփյուռու աշխարհի Մեր զավակներին, որոնք դարձան բռնեցք՝ ամուր պահելու հաղթանակի դրոշն ու իրավանց պաշտպանությունը Արցախի: Բազում հայորդիներ կամավոր մեկնեցին Արցախ, եւ այսօր էլ նորերը համալրում են շարքերը հայոց բանակի՝ զորակցելու հայրենիքի պաշտպանության սուրբ գործին: Մեր Սուրբ Եկեղեցու հոգեւորականները եւս աղոթքով, խաչով ու Ավետարանով օրհնեցին եւ քաջալերեցին հայրենյաց պաշտպաններին ու այսօր էլ նրանց կողքին շարունակում են իրենց ծառայությունը, որ մեր մարտիկները հոգով գորանան, միշտ արիասիրտ մնան ընդդեմ հակառակորդի ռազմական արկածախնդրության:

Սիրելի՛ ժողովուրդ հայոց, հայրենյաց սահմանին իրավիճակը դեռ մնում է լարված: Մշտապատրաստ լինենք՝ զսպելու մեր դեմ ամեն ոտնձգություն եւ կանխելու ծրագրվող ամեն ոճրագործություն: Հայրենիքի սահմանների պաշտպանության պայքարի հետ պիտի շարունակենք ավելիով ջանքեր բերել միջազգային տեղեկատվական եւ քաղաքական հարթակներում: Արցախյան իրադարձությունների մասին ի լուր աշխարհի ճշմարտության բարձրաձայնումը կարեւոր է ինչպես միջազգային հանրության կողմից՝ Ղարաբաղյան հիմնախնդրի կարգավորման, այնպես եւ Ադրբեջանին հովանավորող ցեղասպան թուրքիայի ապակայունացնող քաղաքականության զսպման ու տարածաշրջանում խաղաղության պահպանման համար: Հավատում ենք՝ առաջադեմ աշխարհը, որ ջատագովն է մարդու իրավունքների պաշտպանության, ահաբեկչության

դեմ պայքարի, մարդկության դեմ գործվող ոճիրների կանխարգելման, պիտի աջակից լինի Ղարաբաղյան հիմնախնդրի խաղաղ կարգավորմանը:

Ազդեցենք եւ հայցենք, սիրելիներ՛ր, որ Բարձրյալն Աստված զորակից լինի եւ արդյունավորում շնորհի Լեւոնային Ղարաբաղի Հանրապետության ճանաչման բոլոր բարի ջանքերին: Թող Տերը զորություն պարգեւի մեր ժողովրդին՝ կյանքի կոչելու հզոր Հայրենիքի, անվտանգ ու բարօր կյանքի մեր տեսիլքները, որի համար նահատակվեցին մեր զավակները: Ազդեցենք մեր նահատակների հոգիների հանգստության, որդեկորույս ու սգացյալ մեր մայրերի համար, որ հայրենասիրության զգացումով պարուրեցին իրենց սրտերի տրտմությունը: Հայցենք, որ խաղաղություն լինի հայրենի մեր երկրում եւ համայն մարդկության կյանքում:

Աստված Փրկիչ մեր, պահիր եւ պահպանիր Քեզ սպասվինած եւ հուսացած Քո ժողովրդին, շնորհիր սեր, հասարակություն եւ ըղձալի խաղաղություն Քո սուրբ եւ պարվական Խաչի հովանու ներքո այսօր եւ հավիտյան. ամեն:

